

Glai Baslerstab

November 2015 – Ausgabe 3
die Vereinszeitung der Glaibasler Schränz-Brieder
www.gsb1961.ch



In dieser Ausgabe:

Vorwort vo dr Präsidentin	Seite 1
Geburtsdaag Jenny	Seite 2
D'GSB am Basel Tattoo	Seite 4
Hochzyt Jeanine und Kris	Seite 8
Wageumbau Alti GSB	Seite 10
GSB Oktoberfescht	Seite 12
Probeweekend in Huttwil	Seite 13
IG-Kaländer Vernissage	Seite 15
Pumperniggel Inferno	Seite 16
Portrait Martine „Tina“ Rumpel	Seite 18
Portrait Andrea „Häx“ Zimmermann	Seite 18
Portrait Nico König	Seite 19
Portrait Philip Geissmann	Seite 20
Portrait Lars Käppeli	Seite 20
Terminkaländer	Seite 21
Anmeldung Weihnachtsessen	Seite 23

D'GSB wünscht

*Frohe Weihnachten
und ein glückliches
neues Jahr*

Vorwort vo dr Presidäntin

5 Bier, e Cola, 2 mol Lääberli, e halbe Wyysse mit zwei Bächer und eme Mineral.....

So het me d'GSB im Juli in Basel ghört. Eimol nid musikalisch sondern am Chrampfe wie wild, am Basel – Tattoo 2015.

Ich ha unfallbedingt nur vo usse zuegluegt. Ich wott euch aber an däre Stell nonemol s'Komplimänt mache. Ich ha e Stolz gha uff euch. Ihr händ euer Beschts gäh und ich ha nur guets ghört.

Do mir am Basel-Tattoo e Beiz gha hänn, het me d'GSB durch dr Summer an de verschiedene Feschter nid ghört spiele.

Mir (ihr) händ gluegt, dass d'GSB-Kasse gfüllt wird. Ohni Gäld in dr Kasse, cha dr Verein kei GB drugge und verschigge, keini Portoköschte zahle, kei Apéro zahle und mir hätte au kei Lokal wo mir chönne yiebe.

Das isch die anderi Syte vom Vereinslääbe. Es isch wie im Privatlääbe, nur mit schaffe chunnt Gäld yyne.

Ich freu mi druff, am näggschte Tattoo mit euch zämme z'schaffe.

Es goht mit grosse Schritt uff d' Adväntszyt zue. Ich wünsch euch scho jetzt e ganz e schöni und besinnlichi Advänts-und Wiehnachtszyt und e guete Rutsch ins 2016.

Eyri Obfrau
Caroline Rhyn



Geburtstags-Ständeli Jenny Müller am 20. Juni 2015

Ich schreibe den Bericht in Hauchteutsch weil mein Baseldytsch in geschriebener Form inexistent ist.

Am Samstag 20. Juni hatte die GSB das Vergnügen und die Ehre anlässlich des runden Geburtstags von Jenny Müller (bei einer Dame fehlt selbstverständlich die Zahl) ein Ständeli zum Besten zu geben.

Offizieller Treffpunkt war um 21:10 beim Brunnen vor der Buchhandlung Narrenschiff an der Heuwaage. Die Geburtstagsfeier im Cliquenkeller des Barbara-Clubs sozusagen in verkürzter Marschdistanz (ebbe 2,3 Minute).

Als alter Hase weiss ich, dass ein solcher Auftritt vorbereitet sein muss und Pünktlichkeit auch keine Schande ist. Also habe ich mich zur geistigen Vorbereitung und zur Optimierung des Ansatzes ins Irish-Pub aufgemacht wo ich eigentlich gemütlich ein Bierchen trinken wollte.



Kaum angekommen (natürlich mit der notwendigen Zeitreserve weil man bei der Anreise nie genau weiss...) stelle ich fest, dass das Irish-Pub ganz offensichtlich eine ganz spezielle Aura für die geistige Vorbereitung



und die Ansatzoptimierung ausstrahlt. In kürzester Zeit ist ein Grossteil der GSB dieser Aura erlegen und hat sich gemeinsam auf den Event vorbereitet.

Pünktlich um 21:03h haben wir in mehr oder weniger koordinierter Formation den Weg zum Narrenschiff unter die Füsse genommen.

Gemeinsam mit den Unvorbereiteten marschierten wir die 2,3 Minuten vor den „Barbara-Keller“ wo wir unser Überraschungs-Ständeli wie

immer mit Bravour zum Besten gegeben haben.



An dieser Stelle wollte ich eigentlich die gespielten Stückli erwähnen aber ich weiss beim besten Willen nicht mehr was wir gespielt haben. Im Anschluss an unsere Darbietung wurden wir mit Getränken verwöhnt (Merci Jenny) und konnten uns unter die Gäste mischen. Auf dem Weg zum Parkhaus wollte ich noch einen Kaffee im Irish-Pub trinken und habe festgestellt, dass ich mit dieser Idee wieder nicht alleine war.

Aus verschiedenen Gründen (Schutz der persönlichen Rechte, Recht am eigenen Bild, da schweigt des Sängers Höflichkeit usw.) gehe ich

nicht auf die Details dieser gemütlichen „Kaffeerunde“ ein. S'isch uff jede Fall sauglatt gsi“.

Paula



Basel Tattoo 2015

Zum 10te Mol het vom 16. bis 25. Juli 2015 s' Basler Tattoo stattgfunde.



D' GSB het d'Ehr dörfe ha an däm runde Tattoo-Geburstag drby zsi. Nur das ihr`s wüsstet, ich schrieb e klaini Zämmefassig vo allem, nid vo jedem Daag, suscht sin mir am Tattoo 2016 no am läse. Do ich nid ganz freiwillig mitgholfe ha, bini also am 16. Juli nach em schaffe (wie das

fascht alli, jede Daag gseid hän) an das Tattoo cho. Alli hän scho vorbereitet, dass an däm erste Daag nid schief goht. Also hän mir aagfange bediene. Ich weiss, dass ab däm Daag nur no Wörter wie Lääberli, Bier , Pommes ,Würscht etc. unsere Wortschatz beherrscht hän. S' wird mir jetzt scho wider schlächt, wenn ich an die viele



Würscht muess dängge. Mir hän immer Full-House kha. Sin aber au e Mol froh gsi, wenn e Pause cho isch, wo me sich fyr e kurzi Zyyt het chönne erhole. Jedes Mol innere Pause wenn ich uff sone Bank gsässe bi, hani mini Wade wider gschpürt, wie glaub alli. Ab und zue het me e Mol Zyyt kha für e paar Witzli und chli schnurre. Ich glaub s' Highlight vom Tattoo sin im Däni Allemaa sini verschiedene Addidas-Schueh gsi, wäge däne isch me vo de

Gäscht scho agschproche worde. Also mini Schueh, do ich jede Daag

die glyyche a kha ha, sin uff jedefall dräckig gsi, wie no nie! D`Stimmig isch unterenander eigentlich immer super gsi, trotz em Stress wo mir kha hän. Was mi e biz hässig gmach het, sin so blödi Sprüch gsi wie : chasch mini Schicht au no überneh, ich schaff und ha Familie. An däre Stell möchti sage, **sorry**, mir hän alli Familie, du hesch di entschiede e Deil vo dr GSB zsi, denn hesch 10 Dääg vo 365 Dääg halt nid so viel Zyyt für d` Familie so wie mir alli au kei Zyt ka hän. Au cho und zueluege wie Fraue am 3 am Morge Tisch umetrage und e doofe Spruch mache,



goht
halt
eifach
nid.
Kurz
hälfe
wär`s
gsi,
denn
chasch
sage,
ich bi e
Deil vo
dr
GSB.



So glaini Sache hän mi persönlich gnärvt, ich ha au 10 Dääg Ferie dra gä, natürlich hani das für mi Mami gmacht, aber glyych hanis schaad gfunde so Sprüch miesse z`höre. Im Grosse und Ganze isch s`Tattoo e luschtigi, stressigi aber au e tolli Zyyt gsi, mir uff jedefall hets glyych Spass gmacht. Ich wünsch euch fürs näggschte Joor e Hammer-Tattoo




2016, dass ALLI mithälfe und nid nur öbbis chömme go drinke, dass ihrs luschtig händ und wider viel Lääberli, Pommes, Bier etc. chönned schreye. Ich bi in keim Fasnachtsverein meh und ich kumm au nid zu euch aber 10 Daag mitenander öbbis uf d`Bei stelle, 10 Daag zämme schaffe, 10 Daag nur renne, 10 Daag eifach nur

mitenander sy und das Tattoo
2016 als Verein chönne schaffe, denn chönned ihr stolz sy, e Deil vo dr
GSB zsi. An däre Stell möcht i no sage,
dass die Alte GSBLER au mitkrampft hän um e Deil GSB zsi.

Ich wünsch euch alles Gueti
Nömi



No mehr Impressione vom Basel Tattoo 2015



D'Redaktion möchte sich an dere Stell nomol ganz hätzlich bi dr Nöme bedange. Es isch nid sälbsterständlich dass me als Passivmitglied vo dr GSB praktisch s'ganze Tattoo schafft, syni Ferie opferet und denn au no e Bricht drüber schrybt

Merci vielmol J



Hochzyt Jeanine & Kris

Am Samstag 22. August trafen wir uns zu einem besonderen Anlass. Jeanine Reimann und Kris Thanner gaben sich an diesem Tag das Ja-



Wort. An diesem Fest durfte ein Auftritt der GSB natürlich nicht fehlen, schliesslich wollten wir alle den beiden nur das Beste wünschen. Ein paar GSB-ler

trafen sich zuerst noch im Restaurant um schon einmal etwas zu trinken. Als dann alle mehr oder weniger eingedruidelt waren, stellten wir uns auf und liefen mit einem Schlagmärschli zur Hochzeitsgesellschaft. Dort angekommen, stellten wir uns in Ständeliaufstellung



auf und gaben unser Bestes. Für Jeanine wurde "dr Ängel" und für Kris



"In the End" gespielt. Dem Brautpaar war die Freude ins Gesicht geschrieben. Nach den ersten Tönen gratulierte unsere Präsidentin dem Brautpaar und übergab ihnen ein Geschenk. Danach spielten wir noch 2-3 Stüggli und durften uns dann an einem Apéro erfreuen.

Vielen Dank an dieser Stelle an das Brautpaar. Als jeder das eine oder andere Glas getrunken hatte, durften wir noch an einen Fototermin mit dem Brautpaar, sodass auch das Ständeli ihnen in Erinnerung bleibt. Es gönnte sich fast jeder nach dem Fototermin noch ein Gläschen, bis das Brautpaar sich dann in das Restaurant verabschiedete und die letzten GSB-ler auch noch den



Heimweg in Angriff nahmen. An dieser Stelle wünsche ich Jeanine und Kris nochmals alles Gute für eure gemeinsame Zukunft.



Salome



Wageumbau

Also s'Gaby het mi zum Bricht schrybe verdonneret.


S'het am Morge am fünfi (so e unchrischtligi Zyt) agfange wo my Wecker abgange isch.

Myni Katze hän au schön blöd gluegt, wo ych uus em Bett ghüpft bi (myni normali Zyt isch so halbi achti/achti) hän dänggt die spinnt doch.

Denn mit Bus resp. Tram ab nach Therwil. Gaby het scho an dr Tramhaltstell gwartet,



het Gipfeli kauft. Sin zum Yvonne gloffe, au s'Rosi isch grad aträbbebelet.



D'Yvonne het scho gwartet und jetzt wird z'erscht z'mörgelet.

Nach de guete Käffeli und Gipfeli wärde mir vom Christoph (nomol viele Dangg) uff Hofstette kutschiert.

Die erschte Instruktion vom Hans kömme poschwändend. D'PaulA und ych dien e Riese- Plache (mit e paar

Löcher) zueschnyde dass passabli Stück (ohni Löcher) uuse kömme. Ka sage: mir zwei sin e guets ygschpielts Duo, klappt wie am Schnierli.

Alli andere dien sich am Wage vergniege, dh. dr alti Stoff und alli Bostitch uusezieh. Ha gar nid gwusst, wieviel hundert vo dene Dinger yne gschlage worde sin, gäll Yvonne, Rosi, Gaby und Skinny!

Und oh scho zähni, he mir hänn alli Durscht, also Bierli (4x) und e Rosé

(3 Gläser) uus em Yskaschte hole und proscht.

Wyter goht's mit dene blöde Bostitch uuse knüble. Ych hälf dr Yvonne, dh. sie schafft und ich stand drnäbe mit eme Kübeli, wo die Hagraffe entsorgt wärde.



Trotz schaffe hän's alli luschtig ka. Git's bald öbbis z'ässe? Skinny sait am zwölfi. Jä isch denn noni Zyt? Mir hän



Hunger! Denn isch es sowyt, s'git öbbis für's Gmuet. Z'erscht e guete Salat, denn e Ragout und Gratin. Mmh so fein (au viele Dangg)



Ich glaub unseri Präsidäntin het Langwyl oder langi Zyt, sie schrybt uns die ganzi Zyt vo Bali.

So nach däm Päuseli goht's wyter. Jetzt wird gschliffe und gmolt. Bald gseht me vo unserem Wage nüt me Alts und Neus wird noni verrote, isch doch klar. Im Ändeffäkt isch es e luschtige Daag gsi und alli hän dr Heiwäg aträtte.

Fränzi resp. Franz



Oggtoberfescht 2015

am 25.9. hets im Mohreloch wieder gheisse "o zapft is",
d GSB lade zum Oggtoberfescht vom halb 8ti bis...

bereits in de friehe Nommitagsstunde,
hän sich die erschte Lüt in Dirndl und Läderhose im Käller yygfunde

d Vorbereitige laufe uf Hochtoure, s goht alles Hand in Hand,
gli isch alles blau-wyss, d Decki, d Tisch und d'Wand

dr JC, unsere Hobby-Fotograph,
het denn au alli Decolleté feschtghalte ganz brav

am halb 8ti, am offizielle Startschuss,
sin denn au scho die erschte Wysswürscht, Brezn und Mass duss

zu dr Wiesn-Musik wird fliessig mitgsunge,
und die eint oder andere hän au s Tanzbei gschwunge

"Schatzi schenk mir ein Foto" und dr "Anton aus Tirol",
es wird gschunklet und glache und mir fühle uns eifach wohl

diesjoor isch aber nit ganz so viel gloffe,
denn e huffe anderer Verein hän sich zu ihrne eigene Aläss troffe

drum isch das Fescht denn geg die 2 au scho verbi,
s Nachtschichtpersonal, isch do gar nit so trurig gsi

es isch aber trozdam wie immer e Gaudi gsi,
wie das halt so isch bi de GSB

Katja



Probeweekend 2015

Au das Jahr hämmer unser Probeweekend in Huttwil, im Hotel kleine Prinz, verbrocht.

Ändlig aacho (nach ere Fahrt übere Passwang gege die ufgehendi Sunne) und...oha lätz...



waas isch denn do los? Absperrig für s'Dorf und e huffe Ständ. E nätte Herr in Sicherheitsweschte wo näb dr Schranke gschtande isch, het mi denn uffklärt „es isch Kääs-Märt“ Will ich aber Gascht im kleine Prinz gsi bi, het är mir d'Absperrig wägglüpft und ich ha könne

bim Hotel go parkiere.

Will s' Hotel not. wg. däm Märt usbuecht gsi isch, het me uns au bitz ummegschoobe was d' Zimmerwahl betrefte het. Aber egal..., mir hän schlussändig alli e Bett ka. Pünktlig hämmer denn s' Programm aagfange und als Yschtig grad emol die



beide neue Lieder g'loost. Ein für s' Härz und dr' Ander für d' Stimmig...gueti Mischig findi :-)

Die einzelne Regischerter hän sich nach dere Yyfuehrig in die div. Proberüüm verteilt und alli hän flyssig probt (e Gruess an die leedierte Lippe

nochhär..pfff...)

Nach em feyne Mittagässe hämmer au no chli könne dusse spiele will s' Wätter schön gsi sich, kleini Aamerkig....ich ha wider in d' Sunne gluegt...hmmmm



Evi

IG Kaländer-Vernissage vom 22. Ogotober

Am Donnstchtig, 22. Ogotober isch wie jedes Joor um die Zyt, d' Vernissage vom IG-Kaländer uff em Programm gstande.

In däm Joor het sie im Mohreloch stattfunde. D'GSB isch agfrotgt worde, ob mir die Vernissage nid chönnte musikalisch berichere. Obwohl an däm Oobe e Europa-League-Match vom FCB gsi isch, hann ich zuegsait. Mit gmieschte Gfühl bi ich an die Vernissage gange. Wär chunnt an Ufftritt? Sinn mir au wirgglich spielfähig? Hoffentlich het's nid no Kranggets - Ussfäll.

Es sinn alli cho, wo zuegsait hänn.

Nachdäm mir uns bi Bier, Prosecco und Snacks gsterggt hänn, isch es denn sowyt gsi. Mir hänn unseri Instrumänt uss em Rümüli gholt und unseri Stüggli gspielt.

Wie meischtens wenn mir e Ufftritt in Glaifformation hänn, isch es super gange.

Nach unserem Ufftritt sinn d'Kaländerbilder vo de IG-Gugge präsentiert worde, dr Patrick het no e paar Wort gsait und scho isch es zem gmietligge Teil gange.

Dangge an Alli, wo an däm Oobe cho sinn.

Caroline



Sali Sali Sali GSB rockt s'Pumperniggel Inferno z'Oberwil

So jetzt heisst wieder 1 Mol meh Bricht schribe :)

Agfange het's jo am Frytig noch dr Prob mit dämm mail wo vom Däni cho isch, **Hello fucking GSB Chapter Wie bequatscht, die Stüggli von**

morgen: Bla,bla,bla :-) Morgen gibt's fucking Rock' n' Roll!!!

GFFG (GSB forever, forever GSB)

Sergeant at Arms Däni

Mit däm Bild derzue, Hammer J

Trofte händ mir uns den z' Oberwil bi dr Wehrlinshale.

Die 1. hätte eigentlich sötte d'Ranzepfiffer si, aber die händ schins kurzfristig abseit .

Na ja am 20.15 händ mir uns parat gmacht, und jede isch so erschine wie s'Moto gsi isch was ich mega cool gfunde ha. Ok im Gänselimarsch ab uf d'Bühni,es hett mega Spass gmacht und ich ha nur

positivi Reaktione ghört, Mir händ die Bühni grockt. Nohärd sind alli use go smoke J und s'meische het sich leider dusse abspielt do me jo dinne nit rauche dörf. Irgendwann sind die meische wieder yne well





irgend so e komische uff dr Harley in d'Halle gfare isch, ahhh da isch jo dr Major vo de Märtfraueli. Coole Uftritt gsi au musikalisch. Die nögschte sind denn d'Schotte gsi die sind au ihrem Motto treu blibe und im Kilt cho (was trage die ächt drunter) J Nei au



d'Schotte händ super gspielt und s'highlight isch s'Stückli vom Lion King gsi, eifach mega, bravo. Leider hän mir d'Gruppe S-Hoch 3 nüm gse aber i han ghört die syge au top gsi. Na ja das wär's so gsi vo däm Pumperniggel Inferno

s'Rauserli J




Portraits vo de Neumitglieder

Name: Martine (Tina) Rumpel



I bi bald 45 Joor alt. Ha zwei Töchtere, d Natascha bald 20 Joor und d Janina 17 Joor.
I wohn mit mim Schatz...em Patrik in Rieche, zämme mit sim Sohn em Florian 15 Joor.
Schaffe duen i im Claraspital als Spitalreinigerin.
Mini Hobbys sind Bonsai gstalte und pfläge, Orchideen, Kakteen, Ryte, mini Hundeli und d Familie. Ah und natürlig spiel i für mis Läbe gärn Posuune.



Name: Andrea (Häx) Zimmermann



Weiss gar nit was dr soll verzelle

Also ich heiss Andrea Zimmermann, mi Spitzname isch Häx, bi 36 Joohr alt, ha e Tochter wo nüni isch und wohn in Rieche.

Mini Hobbies sin Pauke spiele, ahnehebe bim Tattowierer und bi dr Piercerin und Töfffahre..... Meh weiss i nit vo mir z'verzelle....



Name: Nico König



Sali zämme, ich bi dr Nico und bi 22 Joor alt. Ich bi vo Bruef Velomech und wohn in Nenzlinge. Ich bi neu bi dr GSB und spiel oder versuechs zumindest, PosunneJ

Ich ha bevor ich in d'GSB cho bi 19 Joor lang in Laufe uf em Waage Fasnacht gmacht.

Mi grosses Hobby nebst dr Fasnacht, isch s' Downhill fahre.

In d'GSB cho bini eigentlich durch d'Caroline Rhyn, sie isch s'Mami vo minere Fründin und het gfunde i soll doch mol cho luege. Jo und jetzt bini do, ich freu mi mega mit dr GSB z'Basel Fasnacht z'mache. Wird sicher ganz anderst sie als ufeme Waage, aber i freu mi uf e neu Useforderig und gib mis Beste, damit i voll Gas gä cha und s'Posunneregister cha verstärke.

Wenn ihr no Frooge händ den frooged mi doch eifach.

E Liebe Gruess, uff e gueti Fasnacht 2016

Nico



Name: Philip Geissmann



Ich bi dr Philip Geissmann und spii sit 9 Joor Saxophon. Ich bi sit 10 Joor inere Pfadiabteilig mit Freud derby. Ich gang jetzt im Momänt no in d'Schuel und würd noch dr Schuel sehr gärn e Lehr als FaGe mache. In d'GSB bin ich durch myni Schweschter Fabienne ko und ich spiel Lyra



Name: Lars Käppeli

Hallo ich bin Lars. Bin 16 Jahre alt und kenne die GSB auch schon so lange. Da meine Eltern und Grosselter bei der GSB waren. Ich bin die 3. Generation bei der GSB. Meine Eltern haben mich




fast immer mitgenommen, deswegen kenne ich fast alle Aktiv-Mitglieder.

Mein Götti ist Däni Allemann und ich habe sogar auch



eine Gotte Caroline Rhyn. Früher war ich 6 Jahre lang bei den Barbarossa Binggis, davon habe ich 1 Jahr lang Pauke gespielt und 5 Jahre am Schlagzeug und das macht mir richtig Spass. Ich könnte mir kein anderes Instrument vorstellen. Ausser der GSB habe ich noch andere Hobbys; Bowling und Pontoniere in Mumpf wo ich Wettkämpfe bestreite. Die Lehre bei der Post als Logistiger habe ich im Sommer neu angefangen und der Job macht mir Spass. Ich freue mich auf die Zeit mit der GSB und auf eine schöne Fasnacht .

Terminkalender

		Guggemusik Glaibastler Schränz - Brieder		Stand 31.10.15
Terminkalender 2015/2016				
November 2015				
Dienstag	03.11.2015	18.30 Uhr	Registerprobe Trompete	
Freitag	06.11.2015	20.00 Uhr	10. Probe	
Dienstag	10.11.2015	18.30 Uhr	Registerprobe Sousaphon	
Dienstag	10.11.2015	20.00 Uhr	Registerprobe Hörnli/Sax	
Freitag	13.11.2015	20.00 Uhr	11. Probe	
Samstag	14.11.2015	Details folgen	Stückiguggete	
Dienstag	17.11.2015	19.30 Uhr	Registerprobe Schlag	
Freitag	20.11.2015	20.00 Uhr	12. Probe	
Freitag	27.11.2015	20.00 Uhr	13. Probe	
Dezember 2015				
Freitag	04.12.2015	20.00 Uhr	14. Probe im Messingkäferkeller Meret Oppenheimerstr. 19	
Freitag	11.12.2015	20.00 Uhr	15. Probe	
Freitag	18.12.2015	20.00 Uhr	16. Probe	
Samstag	19.12.2015	18.00 Uhr	Weihnachtsessen Mohrenloch	
Januar 2016				
Samstag	02.01.2016	Details folgen	Plakettenausgabe mit anschliessendem Hochzeitsapéro von Dáni & Nannette	
Dienstag	05.01.2016	19.30 Uhr	17. Probe	
Freitag	08.01.2016	20.00 Uhr	18. Probe	
Dienstag	12.01.2016	19.30 Uhr	19. Probe	
Freitag	15.01.2016	20.00 Uhr	20. Probe	
Dienstag	19.01.2016	19.30 Uhr	21. Probe	
Freitag	22.01.2016	20.00 Uhr	22. Probe	
Samstag	23.01.2016	Details folgen	Probetag mit anschl. Abendessen	
Sonntag	24.01.2016	Details folgen	1. Marschprobe	
Dienstag	26.01.2016	19.30 Uhr	23. Probe	
Freitag	29.01.2016	20.00 Uhr	24. Probe	
Samstag	30.01.2016	Details folgen	Auftritt Dietlikon	
Sonntag	31.01.2016	Details folgen	2. Marschprobe	
Februar 2016				
Dienstag	02.02.2016	19.30 Uhr	25. Probe	
Freitag	05.02.2016	20.00 Uhr	26. Probe	
Samstag	06.02.2016	Details folgen	Baden	
Dienstag	09.02.2016	19.30 Uhr	Fasnachtsitzung	
Montag	15.02.2016	Details folgen	Basler Fasnacht	
Dienstag	16.02.2016	Details folgen	Basler Fasnacht	
Mittwoch	17.02.2016	Details folgen	Basler Fasnacht	
März 2016				
Freitag	04.03.2016	20.00 Uhr	Neobummelprobe	
Sonntag	06.03.2016	Details folgen	Bummel	
Freitag	11.03.2016	19.30 Uhr	Lääberlisitzung	
April 2016				
Freitag	15.04.2016	19.30 Uhr	Aktivensitzung	
Samstag	30.04.2016	16.00 Uhr	Generalversammlung	
Mai 2016				



Der Vorstand der GSB



Präsidentin

Caroline Rhyn
Natel: 079 547 94 22
Email: caroline.rhyn@bluewin.ch

Vize-Präsident

Heinz Zimmermann
Natel: 076 375 19 61
Email: zimpe.bebbi@bluewin.ch

Sekretär

Etienne Koehlin
Natel: 079 281 18 77
Email: etienne.koehlin@hotmail.com

Kassiererin

Jeanine Reimann
Natel: 079 372 12 38
Email: jeanine.reimann@gmx.ch

Materialverwalter

Leon van Dongen
Natel: 076 431 14 20
Email: leon.vandongen@ch.rhenus.com

Aktiv & Passiv-Betreuerin

Sandy Käppeli
Natel: 079 297 64 89
Email: h.s.kaeppli@bluewin.ch

Redaktion Glaibaslerstab

Gaby von Aesch
Natel: 079 384 99 27
Email: bebbibs@bluewin.ch



Anmeldung zum GSB Weihnachtessen 2015

Datum: 19.12.2015

Ort: Mohrenloch

Zeit: 18 Uhr

Kosten: CHF 40.--

(Kinder bis 6 Jahren gratis, Kinder von 6 bis 15 Jahren CHF 20.--)

Verbindliche Anmeldung bitte an:

paul.abt@bluewin.ch oder 079 432 85 59
per Post an Paul Abt, Flüeli 10, 4446 Buckten

Name:

Vorname:

Anzahl Personen:

davon Kinder bis: 6 J. 15 J.

Bitte Anzahl Personen angeben:

Mit Fleisch:

Vegetarisch: